

Na osnovu člana IV. 4.a) Ustava Bosne i Hercegovine, Parlamentarna skupština Bosne i Hercegovine, na 71. sjednici Predstavničkog doma, održanoj 3. i 10. februara 2010. godine, i na 44. sjednici Doma naroda, održanoj 9. aprila 2010. godine, usvojila je

ZAKON

O IZMJENAMA I DOPUNAMA ZAKONA O JAVNOM RADIOTELEVIZIJSKOM SERVISU BOSNE I HERCEGOVINE

Član 1.

U Zakonu o Javnom radiotelevizijskom servisu Bosne i Hercegovine ("Službeni glasnik BiH", broj 92/05), u članu 8. stav (1) iza riječi "ostalnih" dodaju se riječi: "te ustavne odredbe o ravnopravnosti spolova".

Iza stava (2) dodaje se novi stav (3) koji glasi:

"(3) Prilikom uređivanja programa, posebno u pogledu odabira programskih sadržaja i učesnika u emisijama, ravnopravno će se uzimati u obzir interesi oba spola i osigurat će se ravnopravna prisutnost oba spola u medijima."

Član 2.

U članu 16. iza stava (1) dodaju se novi stavovi (2) i (3) koji glase:

"(2) Ako u postupku zapošljavanja dva ili više kandidata podjednako ispunjavaju tražene uslove, prednost će se dati kandidatu manje zastupljenog spola.

(3) Na poslovima istog stepena složenosti spolovi treba da budu ravnopravno zastupljeni."

Član 3.

U članu 23. iza stava (3) dodaje se novi stav (4) koji glasi:

"(4) Pri izboru i imenovanju članova organa BHRT-a promovirat će se ravnopravna zastupljenost oba spola, te će procenat učesnika spolova u organima BHRT-a u pravilu odražavati ravnopravnu zastupljenost spolova. Diskriminacija na osnovu spola je zabranjena."

Član 4.

U članu 26. stav (1) iza riječi: "Parlamentarna skupština Bosne i Hercegovine" dodaju se riječi: "posebno vode" i razuna o članu 23. stav (4) ovog zakona,".

Na kraju stava (1) dodaje se rečenica koja glasi:

"Regulatorna agencija za komunikacije će pri formiranju rang-listi preduzeti sve neophodne mjere da se osigura ravnopravna zastupljenost spolova na rang-listi."

Član 5.

U članu 31. stav (1) takodje se zamjenjuje zarezom i dodaju riječi: "posebno vode" i razuna o članu 23. stav (4) ovog zakona."

Član 6.

Iza člana 37. dodaje se novi član 37a. koji glasi:

"^lan 37a.
(Upotreba jezika)

- (1) Izrazi napisani samo u mu{kom rodu odnose se podjednako na mu{ki i `enski rod.
- (2) U ozna~avanju funkcija, zvanja i titula upotrebljavat }e se gender senzitivn jezik."

^lan 7.

Ovaj zakon stupa na snagu osmog dana od dana objavljivanja u "Slu`benom glasniku BiH".

PSBiH broj 503/10
9. aprila 2010. godine
Sarajevo